

VIZE Aleksandra Štiglmajer, ekspert ESI-ja, za „Dnevni avaz“

Ako EK reagira, BiH na bijeli šengen može 1. januara

BiH od maja napravila fenomenalan napredak, ali to na terenu moraju potvrditi eksperti EK

Bosnia i Hercegovina za nekoliko sedmica, čim počne izdavati biometrijske pasoše, bit će spremna za bijeli šengen, ustvrdila je u razgovoru za „Avaz“ Aleksandra Štiglmajer (Aleksandra Stiglmayer), ekspert Evropske inicijative za stabilnost (ESI).

Odlična vijest

Ona je ovakvu tvrdnju iznijela na osnovu analize ESI-ja prema kojoj je BiH trenutno po ispunjenosti uvjeta u boljem položaju nego što su Srbija i Crna Gora bile u trenutku kada im je Brisel dao zeleno svjetlo za ukidanje viza.

- Naravno, eksperti Evropske komisije to moraju potvrditi na terenu u BiH, ali prema našoj analizi, BiH je spremna. BiH je napravila fenomenalan, zapanjujući napredak od maja. Pokazala je punu predanost ovom zadatku, kao i spremnost svih strana za kompromis - obrazlaže Štiglmajer.

S današnjim datumom bh. vlasti trebaju uraditi izvještaj o ispunjavanju uvjeta, a na tom fonu, dodala je ona, odlična je vijest da je Vijeće ministara BiH ispunilo sve svoje zadatke.

- Šta dalje? Najoptimističniji scenarij je da u pri-



Štiglmajer: Sremni za nekoliko sedmica

jedlog za ukidanje viza Makedoniji, Srbiji i Crnoj Gori bude uvrštena i BiH ako EK odmah pošalje eksperte na teren i utvrdi da je naša analiza tačna, u šta smo mi uvjereni. Ako bi takvu odluku 30. novembra potvrdili ministri unutrašnjih poslova EU, BiH bi od 1. januara bila na bijeloj šengen listi - kaže Štiglmajer.

U svakom slučaju, dodala je ona, EK mora hitno napraviti novi izvještaj i prijedlog za ukidanje viza, da bi bh. građani u prvoj polovini 2010. mogli slobodno putovati Evropom.

Loša poruka

Upitana da li je odluka pitanje politike, kazala je da je to „većinom tehničko

pitanje“ i dodala da EK mora reagirati na drastično promijenjenu situaciju.

U suprotnom, slaže se Štiglmajer, BiH bi zbog

Neophodno lobiranje

Štiglmajer smatra da se bh. diplomatija mora aktivnije uključiti u lobiranje za ukidanje viza, odnosno da je to neophodno i da proces mora hitno početi unutar zemalja EU. Prema njenim riječima, BiH ima prijatelje koji joj žele pomoći.

sporosti briselske birokratije nepravredno mogla biti pod viznim režimom i pola godine nakon što našim susjedima budu otvorene granice EU. No, ne slaže se da se time šalje loša poruka Bošnjacima, muslimanima u ovom dijelu Evrope.

- Ne vjerujem da postoji ikakva diskriminacija, niti različit pogled na bilo koju državu u vašem regionu - zaključila je Štiglmajer, dodavši da to potvrđuju i dosadašnji izvještaji EK u kojima se vidi da su primjenjivana ista mjerila prema svima. **S. ŠKULETIĆ**